

Broj: 03-02-1018-1/2018  
Sarajevo, 08.11.2023. godine

**PARLAMENT FEDERACIJE  
BOSNE I HERCEGOVINE**

- Predstavnički dom -  
gđa Mirjana Marinković - Lepić, predsjedavajuća ✓
- Dom naroda -  
gosp. Tomislav Martinović, predsjedavajući ✓

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Primljeno: 08-11-2023			
Org. jed.	Broj	Priloga	Vrijednost
01,02	- 02 -	1314	/19

Poštovani,

U skladu sa članom IV.B.3.7.c) (III) Ustava Federacije Bosne i Hercegovine, a u vezi sa čl. 176., 178. i 179. Poslovnika Predstavničkog doma Parlamenta Federacije BiH („Službene novine Federacije BiH“, br. 69/07, 2/08 i 26/20) i čl. 169., 171. i 172. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03, 21/09 i 24/20), radi razmatranja i usvajanja, dostavljam Vam **PRIJEDLOG ZAKONA O POTICANJU RAZVOJA MALE PRIVREDE**, koji je utvrdila Vlada Federacije Bosne i Hercegovine na 19. sjednici, održanoj 07.11.2023. godine.

Prijedlog zakona se dostavlja na službenim jezicima i pismima Federacije Bosne i Hercegovine.

S poštovanjem,



**PREMIJER**

**Nermin Nikšić**

Prilog u printanoj i elektronskoj formi (CD):

- Prijedlog zakona na bosanskom jeziku,
- Izvještaj o obavljenoj javnoj raspravi o Nacrtu zakona o poticanju razvoja male privrede
- Izjava o usklađenosti,
- Obrazac broj 2 i
- Obrazac IFP DA.

**Co: Federalno ministarstvo razvoja, poduzetništva i obrta**  
gosp. Vojin Mijatović, ministar



**BOSNA I HERCEGOVINA  
FEDERCIJA BOSNE I HERCEGOVINE  
VLADA**

**PRIJEDLOG**

**ZAKON O POTICANJU RAZVOJA MALE PRIVREDE**

**Sarajevo, novembar 2023. godine**

# ZAKON O POTICANJU RAZVOJA MALE PRIVREDE

## POGLAVLJE I - OPŠTE ODREDBE

### Član 1.

#### (Predmet Zakona)

Ovim Zakonom se uređuju principi poticanja male privrede u Federaciji Bosne i Hercegovine, poticajne mjere, strategija razvoja male privrede, akcioni plan, program poticaja i njegovo provođenje, Vijeće za poticanje razvoja male privrede i nadzor.

### Član 2.

#### (Subjekti male privrede)

- (1) Subjekti male privrede, u smislu ovog zakona, su fizička i pravna lica, koja trajno obavljaju dopuštene djelatnosti radi ostvarivanja dohotka odnosno dobiti, uključujući samozapošljavanje i porodične poslove povezane sa zanatom i drugim djelatnostima, registrovani kod nadležnog organa, bez obzira na oblik organizovanja i koji:
  - a) su samostalni u poslovanju,
  - b) zapošljavaju prosječno godišnje manje od 250 osoba;
  - c) ostvaruju ukupni godišnji prihod do 97.790.000,00 KM ili imaju vrijednost poslovne imovine do 84.099.400,00 KM
- (2) U skladu sa odredbama ovoga zakona, strani ulagači imaju ista prava i obaveze kao i državljani Bosne i Hercegovine.

### Član 3.

#### (Samostalnost u poslovanju)

Samostalnost u poslovanju iz člana 2. stav (1), tačka a) ovog zakona postoji kada drugo fizičko ili pravno lice, koja ne ispunjava uslove iz člana 2. ovog zakona, pojedinačno ili zajednički, nije vlasnik kapitala više od 25 % u subjektu male privrede, kao i ukoliko:

- a) učešće u vlasništvu u subjektu male privrede ima investicioni fond ili javni sektor, pod uslovom da to učešće pojedinačno ili zajednički nije veće od 50 %;
- b) učešća u vlasništvu subjekta male privrede nije moguće utvrditi, te se na osnovu posebne izjave utvrđuje da druga fizička ili pravna lica koja ne ispunjavaju uslove iz člana 2. ovog zakona, pojedinačno ili zajednički, nisu vlasnici kapitala više od 25 % u subjektu male privrede.

### Član 4.

#### (Zaposlenici)

- (1) Zaposlenici subjekata male privrede su radnici, radnici zaposleni u supsidijarnim društvima, vlasnici, članovi uprave i partneri koje se bave redovnom djelatnosti u datom subjektu.
- (2) Broj zaposlenih iz člana 2. stav (1), tačka b) ovog zakona odgovara prosječnom broju osoba zaposlenih na puno radno vrijeme kod predmetnog subjekta ili u njegovo ime tokom cijele referentne godine.
- (3) Broj zaposlenih se određuje na osnovu ostvarenih godišnjih jedinica rada zaposlenih sa punim i skraćenim radnim vremenom, izuzev vremena provedenog na porodiljskom odsustvu i vremena provedenog u statusu pripravnika, u koji ne ulaze učenici, studenti i volonteri uključeni u stručnu obuku odgovarajućim ugovorom.

## **Član 5.**

### **(Podjela subjekata male privrede)**

- (1) Subjekti male privrede, u smislu ovog zakona, dijele se na:
  - a) Mikro subjekte male privrede - fizička i pravna lica koja zapošljavaju prosječno godišnje manje od 10 osoba i čiji je ukupni godišnji prihod ili ukupna vrijednost poslovne imovine na kraju poslovne godine manja od 3.911.600,00 KM;
  - b) Male subjekte male privrede - fizička i pravna lica koja zapošljavaju prosječno godišnje manje od 50 osoba i čiji je ukupni godišnji prihod ili ukupna vrijednost poslovne imovine na kraju poslovne godine manja od 19.558.000,00 KM;
  - c) Srednje subjekte male privrede - fizička i pravna lica koja zapošljavaju prosječno godišnje manje od 250 osoba i čiji je ukupni godišnji prihod manji od 97.790.000,00 KM ili čija je ukupna vrijednost poslovne imovine na kraju poslovne godine manja od 84.099.400,00 KM.
- (2) Podaci o prosječnom broju zaposlenih i finansijski pokazatelji utvrđuju se na osnovu posljednjeg godišnjeg obračunskog perioda.
- (3) Subjekt koji nema usvojen završni račun ili periodični obračun se razvrstava na osnovu podataka određenih procjenom institucije nadležne za tu vrstu statistike izvršenom u toku finansijske godine.
- (4) U slučaju da, zbog sukoba kriterija broja zaposlenih sa finansijskim pokazateljima iz stava (1) ovog člana, nije jasno u koju od postojećih kategorija spada subjekt male privrede, odlučujući kriterij je broj zaposlenih.

## **Član 6.**

### **(Informacioni sistem subjekata male privrede i upravljanje poticajima)**

- (1) Federalno ministarstvo razvoja, poduzetništva i obrta Federacije Bosne i Hercegovine (u daljnjem tekstu: Ministarstvo) uspostavlja Informacioni sistem subjekata male privrede i upravljanja poticajima (u daljnjem tekstu: Informacioni sistem) radi planiranja, provođenja, praćenja i vrednovanja mjera i instrumenata poticanja razvoja male privrede i ocjene privrednih učinaka.
- (2) Ministarstvo od Finansijsko-informatičke agencije, Federalne porezne uprave, Federalnog zavoda za statistiku i nadležnih registara subjekata male privrede po službenoj dužnosti prikuplja podatke potrebne za praćenje i vrednovanje mjera i instrumenata poticanja razvoja male privrede.
- (3) Uspostavljanje, vođenje i način rada Informacionog sistema uređuje se Pravilnikom kojeg donosi federalni ministar razvoja, poduzetništva i obrta (u daljnjem tekstu: ministar).

## **POGLAVLJE II - PRINCIPI POTICANJA MALE PRIVREDE I POTICAJNE MJERE**

## **Član 7.**

### **(Osnovni principi)**

Osnovni principi za izradu pojedinačnih propisa i dokumenata predviđenih u poglavlju III ovog zakona, kao i drugih politika kojima se uređuje i potiče razvoj male privrede, su:

- a) podrška razvoju poduzetničkog okruženja i integriranju poduzetništva u obrazovni sistem,
- b) omogućavanje jednakih prilika za otpočinjanje poslovanja, uključujući poduzetnike koji nisu uspjeli u prethodnom pokušaju,
- c) donošenje propisa i kreiranje institucionalnog okvira koji doprinose ekonomičnijem poslovanju i konstantnom rastu subjekata male privrede,
- d) uspostavljanje brzog i efikasnog načina registracije i omogućavanje elektronske komunikacije sa nadležnim organima,

- e) poboljšanje usluga podrške MSP-u i povećanje dostupnosti instrumenata javnih nabavki i državne pomoći za subjekte male privrede,
- f) olakšavanje pristupa finansijskim sredstvima za subjekte male privrede,
- g) podrška usklađivanju poslovanja sa međunarodnim standardima radi podizanja konkurentnosti subjekata male privrede na inostranim tržištima,
- h) podrška unapređivanju vještina i inovacija, te povezivanju subjekata male privrede sa obrazovnim i naučno-istraživačkim institucijama i organizacijama,
- i) podrška subjektima male privrede da iskoriste ekološke izazove kao poslovne prilike i razviju održivo energetske upravljanje za očuvanje okoliša,
- j) podrška subjektima male privrede da bolje iskoriste prilike na rastućim globalnim tržištima.

#### **Član 8. (Poticajne mjere)**

Poticajne mjere za poboljšanje konkurentnosti male privrede realizuju se kroz:

- a) kreditiranje subjekata male privrede pod povoljnijim uslovima i subvencioniranje kamata po preuzetim kreditima,
- b) uvođenje međunarodnih standarda radi lakšeg pristupa EU i drugim tržištima,
- c) davanje pomoći za pokretanje poslovanja, povećanje zapošljavanja, stručno i poduzetničko obrazovanje, prekvalifikaciju i dokvalifikaciju,
- d) davanje pomoći za učestvovanje na sajmovima i specijaliziranim izložbama u zemlji i inostranstvu,
- e) organiziranje i poticanje mreže institucija koje svojim programima potiču rast i razvoj male privrede,
- f) davanje poticaja za povezivanje subjekata male privrede i druge oblike udruživanja radi zajedničkog nastupa na tržištu,
- g) promocija poduzetništva i poticanje razvoja poduzetništva ciljnih grupa,
- h) davanje pomoći za istraživanje, razvoj i primjenu inovacija te uvođenje savremenih tehnologija,
- i) davanje pomoći u edukaciji, promociji i nabavci opreme i alata za djelatnosti starih i tradicionalnih zanata i domaće radinosti,
- j) druge aktivnosti za ostvarenje ciljeva male privrede.

#### **Član 9.**

**(Obaveza usklađivanja svih poticajnih mjera sa propisima o sistemu državne pomoći)**  
Poticajne mjere iz ovoga zakona koje predstavljaju državnu pomoć dodjeljivat će se u skladu sa propisima o državnoj pomoći.

### **POGLAVLJE III - STRATEGIJA RAZVOJA MALE PRIVREDE, AKCIONI PLAN, PROGRAM POTICAJA, PROVOĐENJE PROGRAMA POTICAJA I SUBJEKTI PROVOĐENJA POTICAJNIH MJERA**

#### **Član 10.**

##### **(Strategija razvoja male privrede)**

- (1) Strategija razvoja male privrede u Federaciji Bosne i Hercegovine (u daljnjem tekstu: Strategija) je sveobuhvatan dokument sa osnovnim ciljevima, mjerama i nosiocima dugoročnoga razvoja male privrede.
- (2) Ministarstvo u saradnji sa subjektima iz člana 15. ovog zakona utvrđuje i priprema osnovne elemente za izradu Strategije koji su usklađeni sa principima razvoja male privrede iz člana 7. ovog zakona najkasnije šest mjeseci prije isteka postojećeg strateškog dokumenta.

- (3) Strategijom se utvrđuju:
- smjernice razvoja male privrede,
  - mjere i programi razvoja male privrede,
  - nosioци realizacije Strategije,
  - rokovi za izradu akcionog plana i realizaciju mjera,
  - visina i izvori sredstava potrebnih za realizaciju Strategije,
  - pokazatelji uspješnosti,
  - praćenje i nadzor nad realizacijom pojedinih mjera i
  - izvještavanje o realizaciji.
- (4) Strategiju donosi Parlament Federacije Bosne i Hercegovine, na prijedlog Vlade Federacije Bosne i Hercegovine (u daljnjem tekstu: Vlada Federacije).

**Član 11.**  
**(Akcioni plan)**

- Na osnovu Strategije, Ministarstvo donosi Akcioni plan za realizaciju Strategije za period od tri godine.
- Akcioni plan sadrži objektivno mjerljive pokazatelje za izvršenje po svim predviđenim aktivnostima, rokove i nadležnost za praćenje i izvještavanje.
- Ministarstvo u saradnji sa subjektima iz člana 15. ovog zakona prati realizaciju Strategije u skladu sa stavom (2) ovog člana, analizira stanje u oblasti male privrede i izvještava Vladu Federacije posredstvom godišnjeg izvještaja o realizaciji Strategije.

**Član 12.**  
**(Program poticaja)**

- Ministarstvo, na osnovu Strategije iz člana 10. i Akcionog plana iz člana 11. ovog zakona, politike Vlade Federacije i u skladu sa analizom stanja u oblasti male privrede, predlaže Program poticaja za razvoj male privrede u Federaciji Bosne i Hercegovine (u daljnjem tekstu: Program) za svaku kalendarsku godinu.
- Program usvaja Vlada Federacije, na prijedlog Ministarstva, najkasnije u roku od 60 dana od dana stupanja na snagu Zakona o izvršavanju Budžeta Federacije Bosne i Hercegovine. Program obavezno sadrži pregled stanja i trendove u oblasti male privrede, kao i ciljeve i mjere u razvoju male privrede koji se realizuju kroz razvojne projekte.
- Razvojni projekti obavezno sadrže nazive projekta, visinu sredstava potrebnih za realizaciju projekta, posebne ciljeve, kriterije, korisnike sredstava, projekciju željenog stanja na kraju perioda obuhvaćenog projektom, rokove realizovanja, pokazatelje, praćenje i vrednovanje.

**Član 13.**  
**(Provođenje Programa)**

- Provođenje Programa vrši se prema posebnom postupku kojeg pravilnikom propisuje ministar.
- Pravilnik obavezno sadrži:
  - metodologiju rada, kojom se osigurava javnost rada
  - uslove za izbor korisnika sredstava u provedbi Programa
  - obavezu i rok definisanja i uređenja odnosa odgovarajućim pravnim aktom između nositelja planiranih mjera iz Programa i korisnika sredstava u provedbi Programa
  - način izvještavanja i praćenja provedbe Programa, usklađen sa procedurom praćenja realizacije Programa rada Vlade Federacije.
- Odluku o dodjeli sredstava za realizaciju Programa donosi Vlada Federacije na prijedlog ministra. Protiv navedene odluke nije dozvoljena žalba, ali se može pokrenuti upravni spor koji ne odlaže njeno izvršenje.
- U cilju provedbe Programa korisnici sredstava iz člana 12. stav (3) su obavezni:

- a) dodijeljena poticajna sredstva koristiti u skladu sa namjenom i uslovima utvrđenim pravnim aktom iz stava (2) tačka c) ovog člana,
  - b) pridržavati se ugovorenih rokova za realizaciju projekta,
  - c) pridržavati se rokova za izvještavanje o realizovanju preuzetih obaveza.
- (5) U slučaju neispunjavanja uslova iz stava (4) tačka a) ovog člana donijet će se rješenje o povratu dodijeljenih poticajnih sredstava protiv kojeg nije dozvoljena žalba, ali se može pokrenuti upravni spor koji ne odlaže izvršenje rješenja.

#### **Član 14.**

##### **(Finansijska sredstva)**

- (1) Finansijska sredstva za provođenje Programa osiguravaju se u Budžetu Federacije Bosne i Hercegovine (u daljnjem tekstu: Budžet) za svaku kalendarsku godinu.
- (2) Visina finansijskih sredstava iz stava (1) ovog člana za svaku kalendarsku godinu iznosi minimalno 0,7% prihoda Budžeta umanjenog za doprinose penzijsko/invalidskog osiguranja te namjenske i razgraničene prihode i donacije.
- (3) Odredbe iz stava (2) ovog člana neće važiti u slučaju proglašenja stanja prirodne ili druge nesreće na teritoriju Federacije te uslijed finansijskih poremećaja koji su doveli do značajnog pada prihoda i primitaka Budžeta.
- (4) Osim navedenih sredstava, iz stava (2) ovog člana, mogu se koristiti i raspoloživa razvojna sredstva iz međunarodnih i drugih izvora.

#### **Član 15.**

##### **(Subjekti provođenja poticajnih mjera)**

Subjekti provođenja poticajnih mjera u smislu ovog zakona su:

- a) Vlada Federacije i vlade kantona,
- b) Ministarstvo
- c) jedinice lokalne samouprave,
- d) privredne i obrtničke komore,
- e) poduzetničke potporne institucije i udruženja poduzetnika koji svojim aktivnostima potiču razvoj sektora male privrede,
- f) obrazovne institucije.

#### **Član 16.**

##### **(Obaveze subjekata provođenja poticajnih mjera)**

- (1) Subjekti iz člana 15. ovog zakona predlažu poticajne mjere i razvojne projekte iz svoje nadležnosti, u skladu sa aktuelnim stanjem u sektoru male privrede, neposredno sprovode aktivnosti i mjere za koje su zaduženi Strategijom, prate i izvještavaju Ministarstvo o postignutim rezultatima.
- (2) Subjekti koji pružaju podršku razvoju male privrede obavezni su da, na zahtjev Ministarstva, dostave tražene informacije i podatke iz svoje resorne nadležnosti koji su u vezi sa razvojem male privrede.

#### **Član 17.**

##### **(Praćenje i vrednovanje)**

- (1) Ministarstvo prati i vrednuje poticajne politike koje su u njegovoj nadležnosti.
- (2) Ministarstvo prati ispunjavanje ugovorenih obaveza i ostvarivanja postavljenih ciljeva u skladu sa Programom.
- (3) Ministarstvo priprema Izvještaj o vrednovanju poticajnih politika i dostavlja Vladi Federacije na usvajanje.



## **POGLAVLJE IV - VIJEĆE ZA POTICANJE RAZVOJA MALE PRIVREDE**

### **Član 18.**

#### **(Vijeće za poticanje razvoja male privrede)**

Vijeće za poticanje razvoja male privrede (u daljnjem tekstu: Vijeće) je savjetodavno tijelo Vlade Federacije, koje prati stanje u oblasti MSP u cilju unapređivanja njenog razvoja.

### **Član 19.**

#### **(Zadaci Vijeća)**

Zadaci Vijeća su da:

- a) poticanje promocije i principa razvoja male privrede,
- b) analiziranje poslovnog okruženja i predlaganje Vladi Federacije pravaca razvoja MSP-a i potrebne politike, mjere, planove i programe za njihovo sprovođenje,
- c) razmatranje efekata poduzetih mjera na sprovođenju principa razvoja MSP,
- d) analiziranje zakonskih i podzakonskih akata koji imaju uticaj na subjekte male privrede i davanje svojih prijedloga i sugestija u postupku donošenja istih,
- e) davanje prijedloga i sugestija o neophodnim finansijskim poticajima u skladu sa strateškim dokumentima,
- f) iniciranje i pomaganje aktivnosti na unapređivanju saradnje između privatnog i javnog sektora u oblasti MSP-a,
- g) donošenje poslovnika o svom radu kojim se definiše način rada obaveze članova Vijeća,
- h) jednom godišnje podnositi Vladi Federacije izvještaj o svom radu i
- i) razmatrati i druga pitanja od značaja za oblast MSP-a.

### **Član 20.**

#### **(Sastav i način rada Vijeća)**

- (1) Vijeće se sastoji od 12 članova koje imenuje Vlada Federacije na period od četiri godine.
- (2) Vijeće čini po jedan predstavnik: Ministarstva, Federalnog ministarstva energije, rudarstva i industrije, Federalnog ministarstva trgovine, Federalnog ministarstva okoliša i turizma, Federalnog ministarstva obrazovanja i nauke, Privredne komore Federacije, Obrtničke komore Federacije, Udruženja poslodavaca i četiri predstavnika MSP i to po dva na prijedlog Privredne komore Federacije i Obrtničke komore Federacije.
- (3) Predstavnici institucija, organizacija i stručna lica mogu, po pozivu, učestvovati u radu Vijeća, ali bez prava glasa.
- (4) Predsjednika i zamjenike predsjednika biraju članovi Vijeće.
- (5) Članovi Vijeće ne primaju naknadu za svoj rad.
- (6) Administrativne i stručno - tehničke poslove za potrebe Vijeća obavlja Ministarstvo.

### **Član 21.**

#### **(Procjena učinaka propisa na razvoj male privrede)**

- (1) Procjena učinaka propisa na razvoj male privrede (u daljnjem tekstu: MSP test) podrazumijeva postupak analize i ocjene pozitivnih i negativnih učinaka provedbenih akata koje donosi Vlada Federacije, federalna ministarstva, federalne uprave i federalne upravne organizacije kao nosioci izrade propisa kojima se bliže uređuju odnosi za provođenje zakona.
- (2) MSP test provodi se u pripremi uredbi i pravilnika koji se donose na osnovu zakona u čijoj pripremi je provedena sveobuhvatna procjena uticaja, odnosno za koje se utvrdi očekivana vjerovatnost nastanka negativnog učinka na razvoj male privrede, u skladu sa propisima kojima se uređuje procjena uticaja propisa.
- (3) Kriteriji za MSP test uključuju trošak primjene propisa u poslovanju subjekata male privrede, privredni rezultat, konkurentnost, zapošljavanje i druge očekivane učinke koji su ocijenjeni značajnim za razvoj male privrede.

- (4) Ministarstvo u skladu sa propisima kojima se uređuje procjena uticaja propisa i uredbom iz stava (5) ovog člana koordinira aktivnosti u provođenju MSP testa.
- (5) Vlada Federacije uredbom propisuje način provođenja, bliže kriterije, metodologiju i obrasce za provođenje MSP testa.

## **POGLAVLJE V - NADZOR**

### **Član 22.**

#### **(Nadzor nad primjenom zakona)**

- (1) Nadzor nad primjenom ovog zakona i propisa donesenih na osnovu njega vrši Ministarstvo.
- (2) Inspekcijski nadzor nad provođenjem odredaba ovog zakona i propisa donesenih na osnovu njega vrše nadležne inspekcije svaka u okviru svoje nadležnosti.

### **Član 23.**

#### **(Nadzor nad korištenjem poticajnih sredstava)**

- (1) Ministarstvo vrši nadzor nad korištenjem poticajnih sredstava prema posebnom postupku propisanom pravilnikom iz člana 13. stav (1) ovog zakona.
- (2) U slučaju utvrđenih nedostataka u korištenju dodijeljenih poticajnih sredstava, korisnik je dužan vratiti dodijeljena poticajna sredstva uvećana za iznos zakonske zatezne kamate, o čemu Ministarstvo donosi posebno rješenje protiv kojeg nije dopuštena žalba, ali se može pokrenuti upravni spor tužbom kod nadležnog suda.
- (3) Korisniku poticajnih sredstava kojem je naređen povrat sredstava ili je učinio povredu neke druge ugovorne obaveze može se zabraniti korištenje poticajnih sredstava u periodu od 5 godina od dana konačnosti rješenja o povratu sredstava iz stava (2) ovog člana, odnosno od dana kada je ugovorna obaveza trebala biti ispunjena, o čemu Ministarstvo donosi posebno rješenje protiv kojeg nije dopuštena žalba, ali se može pokrenuti upravni spor tužbom kod nadležnog suda.

## **POGLAVLJE VI - KAZNE NE ODREDBE**

### **Član 24.**

#### **(Prekršaj korisnika sredstava zbog nenamjenskog korištenja sredstava)**

- (1) Novčanom kaznom u iznosu od 1.000,00 KM do 10.000,00 KM kaznit će se za prekršaj korisnik sredstava - pravna osoba ako nenamjenski koristi dodijeljena sredstva u realiziranju mjere razvoja (član 13. stav (4) tačka a) ovog zakona).
- (2) Novčanom kaznom u iznosu od 500,00 KM do 2.000,00 KM kaznit će se i odgovorna osoba u pravnoj osobi za prekršaj iz ovog člana.
- (3) Za prekršaj iz stava (1) ovog člana kaznit će se fizička osoba - korisnik sredstava novčanom kaznom u iznosu od 500,00 KM do 1.500,00 KM.

### **Član 25.**

#### **(Prekršaj korisnika sredstava zbog nekorisćenja sredstava u određenom roku)**

- (1) Novčanom kaznom u iznosu od 500,00 KM do 5.000,00 KM kaznit će se za prekršaj korisnik sredstava - pravna osoba, ako:
  - a) ne realizira projekat u roku utvrđenom posebnim aktom (član 13. stav (4). tačka b) ovog zakona);
  - b) ne izvršiti o realiziranju preuzetih obaveza u roku utvrđenom posebnim aktom (član 13. stav (4) tačka c) ovog zakona).

- (2) Novčanom kaznom u iznosu od 300,00 KM do 1.500,00 KM kaznit će se i odgovorna osoba u pravnoj osobi za prekršaj iz ovog člana.
- (3) Za prekršaj iz stava (1) ovoga člana kaznit će se fizička osoba - korisnik sredstava novčanom kaznom u iznosu od 200,00 KM do 1.000,00 KM.

#### **Član 26.**

##### **(Pokretanje prekršajnog postupka)**

Zahtjev za pokretanje prekršajnog postupka za prekršaje iz čl. 24. i 25. ovog zakona podnosi Ministarstvo.

### **POGLAVLJE VII - PRELAZNE I ZAVRŠNE ODREDBE**

#### **Član 27.**

##### **(Odredba o zabrani diskriminacije)**

- (1) U postupcima propisanim ovim zakonom i propisima donesenim na osnovu ovog zakona, promoviše se princip jednakih šansi, te se zabranjuje svaki oblik diskriminacije, nasilja i uznemiravanja na osnovu spola, jezika, nacionalne pripadnosti, vjeroispovijesti, socijalnog porijekla, obrazovanja, imovnog stanja, političkog ili drugog uvjerenja, odnosno osnova.
- (2) Gramatički izrazi upotrijebljeni u ovom zakonu za označavanje muškog ili ženskog roda podrazumijevaju oba spola, osim kada je svrha ovog zakona drugačija.

#### **Član 28.**

##### **(Rok za donošenje podzakonskih akata)**

Vlada Federacije će u roku od 90 dana od dana stupanja na snagu ovog zakona donijeti uredbu iz člana 21. stav (5), a ministar će u roku od 90 dana od dana stupanja na snagu ovog zakona donijeti pravilnike iz člana 6. stav (3) i člana 13. stav (1) ovog zakona.

#### **Član 29.**

##### **(Prestanak važenja zakona)**

Danom stupanja na snagu ovog zakona, prestaje da važi Zakon o poticanju razvoja male privrede („Službene novine Federacije BiH“, br. 19/06 i 25/09).

#### **Član 30.**

##### **(Stupanje na snagu)**

Ovaj zakon stupa na snagu osmog dana od dana objavljivanja u „Službenim novinama Federacije BiH“.

## **OBRAZLOŽENJE PRIJEDLOGA ZAKONA O POTICANJU RAZVOJA MALE PRIVREDE**

### **I - USTAVNOPRAVNI OSNOV**

Ustavnopravni osnov za donošenje ovog zakona sadržan je u odredbi člana III. 2. tačke b.), koji je izmijenjen amandmanima VIII, LXXXIX i CVI Ustava Federacije Bosne i Hercegovine, prema kojoj je u isključivoj nadležnosti Federacije Bosne i Hercegovine utvrđivanje privredne politike.

### **II - RAZLOZI ZA DONOŠENJE**

Višegodišnje iskustvo u primjeni Zakona o poticanju razvoja male privrede („Službene novine Federacije BiH“, br. 19/06 i 25/09) pokazalo je da trenutna zakonska rješenja u oblasti male privrede utvrđena ovim zakonom imaju značajne manjkavosti, zbog čega se i pristupilo studioznoj analizi i izradi novog zakona, kao propisa koji će doprinijeti stvaranju ugodnog poslovnog okruženja za malu privredu kroz unapređenje regulatornog i institucionalnog okvira, čime će se omogućiti stvaranje kadrovske osnove za izradu strateških dokumenata i akcionih planova. Trenutno nepostojanje odgovarajućih zakonskih rješenja za posljedicu ima umanjeње potencijala za privlačenje sredstava iz EU fondova i drugih donatorskih fondova, a što u konačnici direktno utiče na nisku stopu rasta subjekata male privrede i nisku stopu otvaranja novih produktivnih radnih mjesta.

U prijedlog Zakona o poticanju razvoja male privrede inkorporisan je i postupak procjene učinaka propisa na subjekte male privrede.

Analiza učinaka propisa ima veliki uticaj na: poticanje poslovnog okruženja, jačanje vladavine prava, zaštitu okoliša, zaštitu ljudskih prava i osnovnih sloboda, utvrđivanje problema i prepreka vezanih za poslovanje poduzetnika kao i otklanjanje istih, a naročito jačanje međuresorne saradnje u postupku izrade propisa, što u konačnici ima za cilj stvaranje pozitivnog i stabilnog poslovnog ambijenta.

### **III - USKLAĐENOST PROPISA SA ZAKONODAVSTVOM EVROPSKE UNIJE**

Nacrt je potpuno usklađen s propisima Unije. Poštujući obavezu sadržanu u Glavi VI, član 76., te Glavi VIII, član 93. Sporazuma o stabilizaciji i pridruživanju, obrađivač je prilikom pripreme ovog prijedlog detaljno analizirao EU propise iz ove oblasti. Tako su u Nacrt Zakona inkorporisana rješenja predviđena Preporukom Komisije 2003/361/EZ o definiciji mikro, malih i srednjih preduzeća od 06.05.2003. godine.

### **IV - PROVEDBENI MEHANIZMI I NAČIN OSIGURANJA PROVEDBE**

Rješenja sadržana u Prijedlogu Zakona o poticanju razvoja male privrede imaju za cilj da značajno doprinesu razvoju male privrede, povećanju stope otvaranja novih produktivnih radnih mjesta, povećanju potencijala za privlačenje sredstava iz EU fondova i drugih donatorskih fondova, kao i povećanju učinkovitosti sistema male privrede. Glavni cilj je stvaranje poslovnog okruženja koje će povoljno uticati na stvaranje novih i razvoj postojećih subjekata male privrede, te njihovo stabilno i uspješno poslovanje. Zakon predviđa uslove i način donošenja Strategije razvoja male privrede, donošenje akcionog plana, program poticaja i način njegovog provođenja, te osnivanje Vijeća za poticanje razvoja male privrede kao savjetodavnog tijela koje ima zadatak da promoviše značaj i principe poticanja razvoja male privrede i podstiče njihovu realizaciju, analizira rezultate poticajne politike, te podstiče aktivnosti na unapređivanju saradnje između privatnog i javnog sektora u oblasti male privrede.

### **V - EKONOMSKA OPRAVDANOST DONOŠENJA PROPISA**

Implementacija predloženih zakonskih rješenja je preduslov za stvaranje adekvatnog poslovnog ambijenta u kome će doći do rasta broja subjekata male privrede i njihovog

povećanog učešća u ukupnom broju pravnih lica. Navedeno ima direktnu reperkusiju na povećanje broja zaposlenih, te povećanja konkurentnosti subjekata male privrede na domaćem i inostranom tržištu. Institucionalni i regulatorni okvir predviđen novim zakonskim rješenjima istovremeno stvara realnu pretpostavku izgradnje strateškog okvira koji bi omogućio racionalizaciju trošenja budžetskih sredstava.

## **VI – OBRAZLOŽENJE PRAVNIH RJEŠENJA**

**Član 1.** definiše predmet zakonske materije koja se reguliše.

**Član 2.** definiše uslove koji moraju biti ispunjeni da bi se neko fizičko ili pravno lice smatralo subjektom male privrede.

**Član 3.** definiše samostalnost u poslovanju kao jedan od osnovnih uslova koje fizičko ili pravno lice mora ispunjavati da bi se smatralo subjektom male privrede.

**Član 4.** propisuje krug lica koja se smatraju osobljem subjekata male privrede, kao i način utvrđivanja broja zaposlenih.

**Član 5.** propisuje kategorizaciju subjekata male privrede na mikro, male i srednje subjekte male privrede kao i tačno preciziranje uslova ove kategorizacije.

**Član 6.** propisuje način uspostavljanja informacionog sistema subjekata male privrede i upravljanja poticajima radi planiranja, provođenja, praćenja i vrednovanja mjera i instrumenata poticanja razvoja male privrede i ocjene privrednih učinaka. Ove aktivnosti se odnose na integraciju postojećeg Informacionog sistema registra malih i srednjih preduzeća u Federaciji Bosne i Hercegovine (ISR MSP) i baze poticaja Ministarstva, odnosno ne podrazumijeva uspostavu novog sistema zbog čega nisu potrebna dodatna finansijska sredstva.

**Član 7.** utvrđuje osnovne principe za izradu Strategije razvoja male privrede, akcionog plana, te programa poticaja i drugih poticajnih politika.

**Član 8.** utvrđuje poticajne mjere za poboljšanje konkurentnosti male privrede.

**Član 9.** utvrđuje obavezu usklađivanja svih poticajnih mjera sa propisima kojima je regulisan sistem državne pomoći.

**Član 10.** reguliše subjekte u čijoj nadležnosti je utvrđivanje i pripremanje Strategije razvoja male privrede u Federaciji, njen sadržaj i način donošenja.

**Član 11.** utvrđuje Akcioni plan i način njegovog donošenja kao i obavezu podnošenja godišnjeg izvještaja Vladi Federacije o realizaciji Strategije.

**Član 12.** propisuje proceduru donošenja, način, uslove, sadržaj i rok za usvajanje Programa poticaja.

**Član 13.** definiše način provođenja Programa poticaja kao i sadržaj pravilnika o postupku provođenja

**Član 14.** reguliše iznos i način obezbjeđenja finansijskih sredstava za provođenje Programa poticaja.

**Član 15.** propisuje nosioce provođenja poticajnih mjera.

**Član 16.** utvrđuje obaveze nosilaca poticajnih mjera.

**Član 17.** reguliše način praćenja i vrednovanja poticajne politike od strane nadležnog ministarstva.

**Član 18.** propisuje obavezu osnivanja Vijeća za poticanje razvoja male privrede kao savjetodavnog tijela Ministarstva.

**Član 19.** propisuje poslove koji su u nadležnosti Vijeća, a koji imaju za cilj poticanje razvoja male privrede.

**Član 20.** utvrđuje sastav Vijeća, način izbora njegovih članova, imenovanje, mandat obavljanja poslova, kao i način rada.

**Član 21.** propisuje postupak procjene učinaka provedbenih akata, kroz analizu direktnih učinaka na subjekte male privrede u cilju odabira najpovoljnijeg zakonskog rješenja. Osnovni cilj ovog postupka je da se ispituju svi aspekti uticaja propisa na subjekte male privrede, kako bi se stvorila realna slika o njihovoj efikasnosti.

- Član 22.** reguliše nadzor nad primjenom ovog zakona i na osnovu njega donesenih propisa. Na osnovu ovlaštenja iz člana 15. Zakona o organizaciji organa uprave u Federaciji Bosni i Hercegovine („Službene novine Federacije BiH“, broj 35/05) upravni nadzor obuhvata nadzor nad zakonitošću upravnih i drugih akata koje donose organi uprave a kojima se rješava u upravnim stvarima u upravnom postupku. Kako dodjela poticajnih sredstava na osnovu Zakona o poticanju razvoja male privrede nije upravna stvar jer se ista dodjeljuje na osnovu raspisanog javnog konkursa i podnesenih prijava sa potrebnom dokumentacijom o dodjeli poticaja ne rješava se u upravnom već u posebnom postupku, zbog toga nije ni predviđen upravni nadzor već poseban postupak nadzora nad korištenjem poticajnih sredstava.
- Član 23.** Ovim članom je propisan poseban postupak u situaciji kada Ministarstvo vrši nadzor nad korištenjem poticajnih sredstava, što je u skladu sa članom 3. Zakona o upravnom postupku („Službene novine Federacije BiH“, br. 2/98 i 48/99), kojim je propisano da u upravnim oblastima za koje je federalnim zakonom propisan poseban postupak, postupa se po odredbama toga zakona. Zbog toga je Poglavlja V ovoga prijedloga zakona, nosi naziv Nadzor, a ne Upravni nadzor. Nadzor podrazumijeva kako inspekcijski tako i poseban postupak nadzora nad korištenjem poticajnih sredstava, postupak vraćanja dodijeljenih poticajnih sredstava u slučaju utvrđenih nedostataka prilikom njihovog korištenja, kao i pravnu zaštitu koja je na raspolaganju korisniku. Također se propisuje mjera zabrane korištenja poticajnih sredstava u slučaju kada je korisniku naređen povrat sredstava ili je učinio povredu neke druge ugovorne obaveze.
- Član 24.** propisuje novčane kazne za prekršaje korisnika zbog nenamjenskog korištenja sredstava. Raspon novčane kazne kreće se između 500,00 KM i 10.000,00 KM ovisno o vrsti prekršaja i da li je korisnik fizičko ili pravno lice. U slučaju kada je korisnik pravno lice, kazna se može izreći i odgovornom licu u pravnom licu.
- Član 25.** propisuje novčane kazne za prekršaje korisnika sredstava zbog nekorištenja sredstava u određenom roku. Raspon novčane kazne kreće se između 200,00 KM i 5.000,00KM ovisno o tome ko je korisnik sredstava. U slučaju kada je korisnik pravno lice, kazna se može izreći i odgovornom licu u pravnom licu.
- Član 26.** reguliše nadležnost za pokretanje prekršajnog postupka.
- Član 27.** promovirše princip jednakih šansi i posebno ističe zabranu diskriminacije i nasilja po bilo kojem osnovu, štiteći tako osnovna prava i slobode kao temelj demokratije.
- Član 28.** utvrđuje rok za donošenje podzakonskih akata (Pravilnika o uspostavljanju, vođenju i načinu rada Informacionog sistema i Pravilnik za donošenje Programa poticaja od strane ministra kao i rok u kojem će Vlada Federacije donijeti Uredbu o provođenju postupka procjene učinaka propisa na razvoj male privrede.
- Član 29.** propisuje prestanak važenja Zakona koji je trenutno na snazi
- Član 30.** propisuje stupanje Zakona na snagu osmog dana od dana objavljivanja u „Službenim novinama Federacije BiH“.

## **VII - FINANSIJSKA SREDSTVA ZA PROVOĐENJE PROPISA**

Za provođenje ovog zakona potrebno je osigurati sredstva iz Budžeta Federacije Bosne i Hercegovine čija visina iznosi minimalno 0,7% prihoda navedenog budžeta umanjenog za doprinose penzijsko/invalidskog osiguranja te namjenske i razgraničene prihode i donacije.

Broj: 05-02-999/21  
Mostar, 03.11.2023.godine

**VLADA FEDERACIJE BOSNE I HERCEGOVINE**  
n/r dr.sci. Edita Kalajdžić, sekretar vlade

**PREDMET: Izvještaj o obavljenoj javnoj raspravi o Nacrtu zakona o poticanju razvoja male privrede – dostavlja se**

Poštovana,

Parlament Federacije Bosne i Hercegovine, nakon razmatranja Nacrta Zakona o poticanju razvoja male privrede na 4. redovnoj sjednici Zastupničkog doma Parlamenta Federacije Bosne i Hercegovine održanoj 10. i 11.09.2019. godine i na 6. redovnoj sjednici Doma naroda od 29.07.2020. godine, je donio Zaključak, broj: 02-02-1314/20 od 29.07.2020. godine, kojim je prihvaćen Nacrt ovoga zakona, uz ocjenu da može poslužiti kao osnova za izradu Prijedloga zakona. Ujedno, zadužena je Vlada Federacije Bosne i Hercegovine da organizira i provede javnu raspravu u trajanju od 90 dana.

Ministarstvo je poslalo dopis svim kantonalnim ministarstvima nadležnim za razvoj privrede, Privrednoj komori Federacije Bosne i Hercegovine, Obrtničkoj komori Federacije Bosne i Hercegovine, Udruženju poslodavaca Federacije Bosne i Hercegovine i Savezu općina i gradova Federacije Bosne i Hercegovine i pozvalo sve zainteresovane da svoje sugestije, primjedbe i prijedloge na tekst Nacrta zakona dostave u Ministarstvo.

Pomenuta javna rasprava o Nacrtu zakona o poticanju razvoja male privrede je otvorena 24.09.2020. godine i trajala je 90 dana od dana postavljanja teksta Nacrta zakona na web stranicu Ministarstva.

U navedenom vremenskom periodu je pristigao određen broj sugestija na usvojeni tekst nacrta Zakona o poticanju razvoja male privrede. Većina sugestija datih u Parlamentu Federacije Bosne i Hercegovine u fazi usvajanja nacrta Zakona je usvojena i inkorporirana u sadržaj teksta nacrta ovog zakona, kao i sugestije i mišljenja koja su pristigla nakon provedene javne rasprave od strane resornih kantonalnih ministarstava, jedinica lokalne samouprave, poduzetničkih potpornih institucija, udruženja poslodavaca i ostalih relevantnih institucija.

Dodatno, Ministarstvo je organizovalo i okrugli sto na temu „Izrada Prijedloga Zakona o poticanju razvoja male privrede“, koji se održao 31.05.2021. godine u zgradi Vlade Federacije Bosne i Hercegovine u Sarajevu. Na okruglom stolu su učestvovali predstavnici realnog sektora, kao i relevantne federalne institucije.

BOSNA I HERCEGOVINA  
FEDERACIJA BOSNE I HERCEGOVINE  
FBIH MINISTARSTVO RAZVOJA, PODUZETNIŠTVA I  
OBRTA

БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
ФБИХ МИНИСТАРСТВО РАЗВОЈА, ПОДУЗЕТНИШТВА И  
ОБРТА

BOSNIA AND HERZEGOVINA  
FEDERATION OF BOSNIA AND HERZEGOVINA  
FBIH MINISTRY OF DEVELOPMENT,  
ENTREPRENEURSHIP AND CRAFTS

Nakon toga Ministarstvo je dobilo dodatne primjedbe i sugestije koji su djelimično inkorporirane u sadržaj teksta kako bi doprinijeli kvalitetnijem prijedlogu navedenog zakona.

S poštovanjem,

Dostaviti:  
-naslovu  
-a/a



Ministar  
Vojin Mijatović



## Obrazac i upute za popunjavanje Izjave o usklađenosti

IZJAVA O USKLAĐENOSTI	
1. Podaci o obrađivaču propisa	Naziv federalnog organa uprave, odnosno federalne upravne organizacije Naziv organizacione jedinice Federalno ministarstvo razvoja, poduzetništva i obrta Sektor razvoja, Sektor poduzetništva i Sektor obrta
2. Naziv propisa	Nacrt Zakona o poticanju male privrede Draft Law on Fostering Small Business Development
3. Usklađenost propisa s odredbama Sporazuma o stabilizaciji i pridruživanju	Glava VI. – Usklađivanje zakona, provođenje zakona i pravila konkurencije; član 76 i Glava VIII. – Političke saradnje; član 93. Sporazuma o stabilizaciji i pridruživanju
3.1. Odredba Sporazuma	Ispunjava u potpunosti
3.2. Ocjena ispunjenosti iz navedeno odredbe Sporazuma	
3.3. Razlozi za djelomično ispunjavanje odnosno neispunjavanje obaveza iz navedene odredbe Sporazuma i rok u kojem je predviđeno postizanje potpune usklađenosti	
4. Veza propisa sa Programom integriranja (PI)	
4.1. PI za razdoblje	
4.2. Poglavje, potpoglavje	
4.3. Rok za donošenje propisa	
4.4. Napomena	
5. Usklađenost propisa s pravnom baštinom EU	
5.1. Primarni izvori prava EU	C 202 Consolidated version of the Treaty on the Functioning of the European Union; Title VII, Common rules on competition, taxation and approximation of law, Chapter 3, Approximation of laws article 114 (ex article 95 TEC) Ugovor o funkcioniranju Evropske Unije (pročišćena verzija); glava VII, Zajednička pravila o tržišnom natjecanju, oporezivanju i usklađivanju zakonodavstava; Poglavlje 3. Usklađivanje zakonodavstava; članak 114. (bivši članak 95. UEZ-a)
5.2. Sekundarni izvori prava EU	Commission Recommendation of 8 May 2003 concerning the definition of micro, small and medium-sized enterprises (Text with EEA relevance) (notified under document number C(2003) 1422) Official Journal L 124, 20/05/2003 P. 0036 – 0041 Preporuka Komisije od 6. svibnja 2003. o definiciji mikro poduzeća, malih i srednjih poduzeća (Tekst značajan za EGP) (priopćena pod brojem dokumenta C(2003) 1422 Službeni glasnik L124, 20/05/2003 P. 0036 – 0041)
5.3. Stupanj usklađenosti sa sekundarnim izvorima prava	Djelomično usklađeno
5.4. Razlozi za djelomičnu usklađenost ili neusklađenost	Usklađeni su oni dijelovi odredaba koje se odnose na djelokrug rada FMRPO-a. Nisu prenosive završne i ostale odredbe kao i one koje nisu u djelokrugu rada ovog Ministarstva.
5.5. Rok za potpuno usklađivanje	Istekao 1.6.2021.godine, jer se čekalo na političko usuglašavanje određenih odredaba zakona. Potpuno usklađivanje očekujemo do 31.12.2023.godine.
5.6. Ostali izvori prava EU	
6. Ukoliko ne postoje odgovarajući propisi EU sa kojima je potrebno izvršiti usklađivanje potrebno je to konstatirati	
7. Da li je osiguran prijevod pravnih izvora na službene jezike u uporabi u Federaciji Bosne i Hercegovine	Ne
8. Da li je propis preveden na engleski jezik?	Ne
Ovlašteno lice obrađivača odnosno predlagatelj Potpis Vojin Mijatović, ministar Datum i pečat: 11.08.2023.	Direktor Ureda Vlade Federacije Bosne i Hercegovine za zakonodavstvo i usklađenost sa propisima Evropske unije Potpis Željko Šifadi, direktor Datum i pečat:

Obrazac broj: 2

## KONTROLNA IZJAVA O PROVEDENOJ PROCJENI UTJECAJA PROPISA

Kontrolna izjava o provedenoj procjeni utjecaja propisa		
Naziv prednacrta/nacrta zakona	Nacrt zakona o poticanju razvoja malog gospodarstva	
Datum	17.07.2023. godine	
Kontrolna institucija	DA	Oblaznica Ureda
AKTIVNOST		
Naziv prednacrta/nacrta zakona je naveden i razumljiv	DA	
Naveden je naziv i kontakt obrađivača	DA	
Naveden je datum	DA	
DEFINIRANJE PROBLEMA		
Problem je jasno i sažeto objašnjen	DA	
Ciljevi su jasno i sažeto objašnjeni	DA	
Očekivani rezultati su jasno i sažeto objašnjeni	DA	
KONZULTACIJE		
Zainteresirane strane su jasno definirane	DA	
Proces konzultacija je jasno i sažeto objašnjen	DA	
PREDLOŽENA RJEŠENJA		
Predložena su normativna i nenormativna rješenja	DA	
Definirani su rizici predloženog rješenja	DA	
Definiran je utjecaj rješenja na proračun	DA	
Definiran je utjecaj rješenja na gospodarstvo, društvo, okoliš, te održivi razvoj i zdravlje ljudi	DA	
Definiran je način primjene i usuglašenost s ostalim propisima	DA	
Definiran je prijelazno razdoblje	DA	
Definiran je način primjene i usuglašenost s ostalim propisima	DA	



OVLASŦENA OSOBA

*Jordan Vekarić*

OBRAZAC IZJAVE O FISKALNOJ PROCJENI

Obrazac IFF-DA

A.1. Obradivač propisa

KOD	NAZIV
5001	Federalno ministarstvo razvoja, poduzetništva i obrta

B.2. Osnovni podaci o prijedlogu propisa

Vrsta propisa	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE
Naziv propisa	Zakon o poticanju razvoja male privrede					

C.3. Fiskalni efekt

3.1. Prihodi i primici budžeta

KOD	NAZIV	OČEKIVANI PRIHODI I PRIMICI U TEKUĆOJ GODINI n						OČEKIVANI PRIHODI I PRIMICI U TEKUĆOJ GODINI n+1						OČEKIVANI PRIHODI I PRIMICI U TEKUĆOJ GODINI n+2					
		Budžet	Namjenski izvori	Ostali izvori	Ukupni dodatni prihodi i primici	Plan prihoda i primitaka u tekućem budžetu	Ukupni prihodi i primici nakon provođenja	Budžet	Namjenski izvori	Ostali izvori	Ukupni dodatni prihodi i primici	Plan prihoda i primitaka u tekućem budžetu	Ukupni prihodi i primici nakon provođenja	Budžet	Namjenski izvori	Ostali izvori	Ukupni dodatni prihodi i primici	Plan prihoda i primitaka u tekućem budžetu	Ukupni prihodi i primici nakon provođenja
		1	2	3	4=1+2+3	5	6=4+5	7	8	9	10=7+8+9	11	12=10+11	13	14	15	16=13+14+15	17	18=16+17
711000	Porezi na dobit pojedinaca i preduzeća				0	0					0	0					0	0	0
712000	Doprinosi za socijalnu zaštitu				0	0					0	0					0	0	0
713000	Porezi na plaću i radnu snagu				0	0					0	0					0	0	0
714000	Porez na imovinu				0	0					0	0					0	0	0
715000	Domaći porezi na dobra i usluge (zaostale obaveze na osnovu poreza na promet dobara i usluga)				0	0					0	0					0	0	0
716000	Porez na dohodak				0	0					0	0					0	0	0
717000	Prihodi od indirektnih poreza				0	0					0	0					0	0	0
719000	Ostali porezi				0	0					0	0					0	0	0
721000	Prihodi od poduzetničkih aktivnosti i imovine i prihodi od pozitivnih kursnih razlika				0	0					0	0					0	0	0
722000	Naknade i takse i prihodi od pružanja javnih usluga				0	0					0	0					0	0	0
723000	Novčane kazne (neporezne prirode)				0	0					0	0					0	0	0
731000	Primljeni tekući transferi od inostranih vlada i međunarodnih organizacija				0	0					0	0					0	0	0
732000	Primljeni tekući transferi od ostalih razina vlasti				0	0					0	0					0	0	0
733000	Donacije				0	0					0	0					0	0	0
741000	Primljeni kapitalni transferi od inostranih vlada i međunarodnih organizacija				0	0					0	0					0	0	0
742000	Kapitalni transferi od ostalih nivoa vlasti				0	0					0	0					0	0	0
777000	Prihodi po osnovu zaostalih obaveza				0	0					0	0					0	0	0
789000	Prihodi od internih transakcija				0	0					0	0					0	0	0



Obrázek

**5. Potencijalne obaveze za budžet**

<b>NAZIV</b>	
<b>Garancije</b>	
<b>Ostalo</b>	

**E 6. Fiskalni efekt na druge nivoie vlasti**

<b>NAZIV</b>	
Budžet BiH, vanbudžetski fondovi i korisnici	
Budžet Federacije Bosne i Hercegovine, Federalni vanbudžetski fondovi i korisnici	
Budžet kantona, vanbudžetski fondovi i korisnici	
Budžet Brčko distrikta Bosne i Hercegovine	
Jedinice lokalne samouprave (općine i gradovi)	

**F 7. Pečat i potpis odgovornog lica obradivaca propisa**



Mjesto i datum  
28-09-2023